



TILLEGGSINNKALLING

Utval: Kommunestyret
Møtedato 09.03.2023
Møtetid: Kl. 16:00
Møtestad: Fjernmøte på Teams

Varamedlem skal ikkje møta utan nærare innkalling

Forfall til møtet må meldast snarast råd til servicesenteret (tlf. 56 58 74 00 eller e-post postmottak@samnanger.kommune.no), som vil kalla inn varamedlem.

Me ber om at alle som kan vera ugilde i ei eller fleire saker på sakslista melder frå om dette til servicesenteret.

Knut Harald Frøland
ordfører

SAKLISTE

Saker til handsaming på møtet

Sak nr.	Arkivsak	Sakstittel	Merknad
028/2023	21/708	Fleirbrukshall – vurdering av løysingar	



SAKSFRAMLEGG

Sakshandsamar: Knut Harald Frøland	Arkivkode: FA-D11
Arkivsaksnr: 21/708	Løpenr: 23/2122
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	09.03.2023	028/2023

Fleirbrukshall – vurdering av løysingar

Ordføraren sitt framlegg til vedtak:

Det skal i tillegg til vurdering av fleirbrukshall på Lauskar, også sjåast på tomtealternativa Grunnvågen på Bjørkheim, «Reistadpøyla» ved Grendahuset og Haukanesmarka på nordsida av Fv. 136.

Det skal vurderast kombinasjonsløysingar der ein også kan nytte Grendahuset til aktivitetar. Det skal sjåast på moglegheit med å bygge nøktern idrettshall i Hagabotnane i kombinasjon med fleirbrukshall/aktivitetshall i Bjørkheimsområdet.

Det skal vurderast eventuell gevinst med å inkludere ny brannstasjon som del av løysing for fleirbrukshall ved tomtealternativa Lauskar og «Reistadpøyla». Dette kjem i tillegg til vurdering av brannstasjon andre stader som pågår i eige prosjekt.

Alternativa skal vurderast etter måloppnåing/samfunnseffekt, risiko med realisering, forventa investeringskostnader (dvs. der tilskot og mva er trekt frå), framdriftsplan og driftskostnader.

Vurdering av dei ulike alternativa inkl. anbefalt løysing skal presenterast i kommunestyremøtet 20.04.2023.

Dokument som er vedlagt:

Presentasjon i Samnanger kommunestyre 08.12.2022

Kva saka gjeld

Kommunestyret vedtok 15.09.2022 følgjande:

«1. Styringsgruppa for fleirbrukshall vert utvida med økonomisjef og ordførar.

2. Alternativ plassering for fleirbrukshall, dersom Lauskar-alternativet ikkje lèt seg realisera, vert Haukanesmarka på nordsida av fv. 136. Dersom styringsgruppa si vurdering vert at prosjektet bør vidareførast på alternativ plassering, skal dette leggjast fram for kommunestyret for endeleg

Samnanger kommune er ein av få kommunar som vart teken ut til å delta i Vestland fylke sitt prosjekt «Nyskapande aktivitetsanlegg». Dette prosjektet er ei målretta satsing for å skape gode lokale møteplassar med varierte og attraktive lågterskeltilbod for fysisk aktivitet. Møteplassane skal byggje på arkitektur av høg standard og vere nyskapande i funksjon, organisering og aktivitetar og bli naturlege samlingsstadar i bygda vår.

Det kan i lys av deltaking i Vestland fylke sitt prosjekt vere naturleg at me i tillegg til Lauskar og Haukaneset også vurderer andre tomtealternativ før me går inn i detaljar og entreprise. Prosjektet er framleis i ein fase der dette er mogeleg.

Vurderingar og konsekvensar:

Fleirbrukshallprosjektet medfører stor kostnad for Samnanger kommune, samstundes kan prosjektet bety mykje for å styrke aktivitetstilboda me gir innbyggjarane våre. Det er viktig at sluttresultatet samsvarar med målsettingane me har for prosjektet.

Samnanger kommune har gjennom deltaking i prosjektet «Nyskapande aktivitetsanlegg» fått meir innsikt der viktige spørsmål som kven me ønskjer å bygge for og kva me ønskjer å oppnå skal svarast på. På grunnlag av ny innsikt bør me gjere nye vurderingar av ulike tomtealternativ og løysingar, før me går inn i detaljar av kva ein fleirbrukshall skal innehalde.

Det er spesielt viktig å få belyst dei langsiktige effektar dette kan ha for Samnanger, og at ein vurderer dette i forhold til dei investeringar som skal til for å få prosjektet realisert.

Det er for framtida me planlegg, der me må leggje vekt på at målgruppa er langt breiare enn dei unge som driv organisert aktivitet. Her skal det vere rom for alle. I ein relativ fersk folkehelsereport har me fått kunnskap om at mange i Samnanger kjenner seg einsame og at mange er i lite aktivitet. Dette gjeld folk i alle aldrar. Å vere einsam, kombinert med liten aktivitet, er alvorleg og det kan føre til sjukdom. Ungdommen har i mange år meldt at dei saknar ein stad å treffast, ein stad som er ungdommen sin eigen stad. Mange ungdommar driv med idrett eller kultur, det er bra. Men fleire finn seg ikkje til rette her, og mange sit heime. Og me går ikkje lenger på besøk til kvarandre i same grad som før. Ungdomar si deltaking i prosessen er svært viktig.

Me blir fleire eldre i Samnanger. At me blir fleire eldre er ikkje berre ei utfordring. Eldre er også ein stor ressurs for kommunen, blant anna i frivillig arbeid. Rådmannen har sett i gong ei undersøking om korleis me vil bu når me blir eldre. Dette kan bety nye bustadløysingar i Samnanger, noko som kan vere bra for alle aldersgrupper og for næringslivet vårt. Men også dei eldre treng møteplassar, og ein treng å halde seg i aktivitet.

Det er naturleg at ein vurderer om det kan vere eventuelle gevinstar med å inkludere ny brannstasjon som del av prosjektet.